

Druga godišnjica Distrikta Brčko

Visoki predstavnik, Wolfgang Petritsch, u povodu druge godišnjice osnivanja Distrikta Brčko izražava svoje zadovoljstvo dosadašnjim napretkom u Distriktu, kao i optimizam u pogledu njegovog daljeg razvoja. U skladu sa Konačnom arbitražnom odlukom o Brčkom, Distrikt Brčko je Odlukom visokog predstavnika osnovan 8. marta 2000. godine kao jedinstvena administrativna jedinica koja nije pod kontrolom entiteta i koja se nalazi pod suverenitetom Bosne i Hercegovine.

Tokom 2001. godine Distrikt je uspostavio integrirani multietnički obrazovni sistem u kojem sve škole rade po jedinstvenom, dogovorenom nastavnom planu i programu koji je izrađen tako da zadovoljava kulturne i lingvističke zahtjeve i senzibilitet djece iz svih naroda. Škole su u potpunosti integrirane i u njima su djeca i nastavnici iz svih etničkih grupa. Tokom prošle godine Distrikt je pokrenuo i opsežnu reformu sudstva, uključujući i ponovno zapošljavanje sudija, čiji rad je vrlo strogo ocjenjivan. Distrikt je takođe postigao značajan napredak i na polju rekonstrukcije i povratka. Do kraja 2001. godine je riješeno 39 posto imovinskih zahtjeva što je rezultiralo povratkom 5.269 osoba.

“Sretan sam što je, radeći zajedno, stanovništvo Distrikta Brčko izgradilo čvrst temelj za budući razvoj i prosperitet Distrikta. Nadam se da će tokom naredne godine svaki stanovnik biti u mogućnosti da neke od ovih koristi osjeti u svom svakodnevnom životu”, izjavio je Supervizor za Brčko Henry L. Clarke. “Distrikt predstavlja jedinstven i kontinuirani poduhvat čiji uspjeh zavisi od napornog rada, optimizma i povjerenja svih građana Brčkog. Uvjeren sam da će se ovo

nastaviti i čast mi je učestvovati u tome".